

«KIA Rio X-Line» ավտոմեքենայի խաղարկության անցկացման և կազմակերպման կանոններ

1. Խաղարկության նկարագրություն

«USU Հայաստան» ՓԲԸ-ն (այսուհետ նաև՝ Կազմակերպիչ) իրականացնում է խաղարկություն, որի հաղթողը որպես մրցանակ կստանա «KIA Rio X-Line» մակնիշի ավտոմեքենա: Խաղարկությունն իրականացվում է «USU Հայաստան» ՓԲԸ-ի կողմից մշակված ծրագրային ապահովման միջոցով:

2. Խաղարկության Կազմակերպչի անվանումը և իրավաբանական հասցեն

«USU-Հայաստան» ՓԲԸ, Արգիշտի փ., 4/1 շ., 0015 Երևան, Հայաստանի Հանրապետություն:

3. Խաղարկության մասնակիցներ

Խաղարկությանը կարող է մասնակցել ցանկացած ֆիզիկական անձ (բացառությամբ «USU Հայաստան» ՓԲԸ-ի աշխատակիցների): Իրավաբանական անձինք խաղարկությանը չեն կարող մասնակցել:

4. Խաղարկության անցկացման կարգը

4.1. Խաղարկությանը մասնակցելու համար 2018թ.-ի մարտի 7-ից մինչև ապրիլի 8-ը (ներառյալ) մասնակիցը «USU Հայաստան» ՓԲԸ-ի սպասարկման կենտրոններից՝ կանխիկ կամ ապառիկ եղանակով (միայն բանկային գործարքով) պետք է ձեռք բերի 39 900 ՀՀ դրամ և ավելի արժողությամբ սմարթֆոն: Գործարքը կատարելու պահին մասնակիցը պետք է Կազմակերպչին հայտնի իր կոնտակտային հեռախոսահամարը՝ հաղթելու դեպքում կապ հաստատելու համար: Գործարքը կատարելուց հետո մասնակիցը պետք է պահպանի (չվաճառի, չնվիրաբերի կամ այլ կերպ չօտարի) գնված սմարթֆոնը և ՀԴՄ կտրոնը (վաճառքի անդորրագիրը):

4.2. Խաղարկությունը տեղի է ունենալու առցանց («USU Հայաստան» ՓԲԸ ֆեյսբուքյան պաշտոնական էջում)՝ 2018թ.-ի մայիսի 24-ին՝ ժամը 15:00-ին, որի ժամանակ «USU Հայաստան» ՓԲԸ-ի կողմից մշակված ծրագրային ապահովման միջոցով պատահականության սկզբունքով կընտրվի և կհրապարակվի շահող մասնակցի ձեռք բերած սմարթֆոնի IMEI կոդը:

4.3. Խաղարկության ընթացքին և արդյունքի հրապարակմանը հնարավոր է հետևել առցանց («USU Հայաստան» ՓԲԸ ֆեյսբուքյան պաշտոնական էջում): Համապատասխան հղումը կհրապարակվի Կազմակերպչի www.mts.am պաշտոնական կայքում խաղարկությունից 1 շաբաթ առաջ:

4.4. Շահող մասնակիցը 2018թ.-ի մայիսի 25-ից մինչև հունիսի 11-ը (ներառյալ) պետք է ներկայանա «USU Հայաստան» ՓԲԸ-ի գլխամասային գրասենյակ շահումը ստանալու համար: Շահող մասնակիցը պետք է ներկայացնի անձը հաստատող փաստաթուղթ

(անձնագիր կամ նույնականացման քարտ), ինչպես նաև այն սմարթֆոնը, որի IMEI կոդը ընտրվել է խաղարկության արդյունքում, և համապատասխան ՀԴՄ կտրոնը (վաճառքի անդորրագիրը):

4.5. Սույն կանոնների 4.4. կետում սահմանված ժամկետում շահող մասնակցի կողմից «ՄՏՍ Հայաստան» ՓԲԸ-ի գլխամասային գրասենյակ չներկայանալու կամ վերջինիս կողմից նույն կետով նախատեսված փաստաթղթերը, գնված սմարթֆոնը կամ ՀԴՄ կտրոնը (վաճառքի անդորրագիրը) չներկայացնելու դեպքում խաղարկության արդյունքը կճանաչվի չեղյալ, ինչի մասին տեղեկատվությունը կհրապարակվի Կազմակերպչի www.mts.am պաշտոնական կայքում 2018թ.-ի հունիսի 12-ին:

4.6. Սույն կանոնների 4.5. կետում նշված դեպքերում խաղարկության արդյունքը չեղյալ ճանաչվելու պարագայում կկայանա նոր խաղարկություն, որին կրկին կմասնակցեն սույն կանոնների 4.1. կետով սահմանված կարգով սմարթֆոններ ձեռք բերած անձինք: Այդ դեպքում նոր խաղարկության անցկացման կարգի վերաբերյալ տեղեկատվությունը կհրապարակվի Կազմակերպչի www.mts.am պաշտոնական կայքում մինչև 2018թ.-ի հունիսի 15-ը:

4.7. Խաղարկության դադարեցման դեպքում Կազմակերպիչը պարտավոր է www.mts.am պաշտոնական կայքում հրապարակել տեղեկատվություն Խաղարկության դադարեցման վերաբերյալ կամ այլ եղանակով հրապարակայնորեն ծանուցել մասնակիցներին այդ մասին:

5. Այլ պայմաններ

5.1. Խաղարկության մասնակցությունը (այդ թվում՝ սույն կանոնների 4.1. կետում նշված տվյալների ներկայացումը, հաղթելու դեպքում մրցանակը ստանալը և այլն) համարվում են մասնակցի կողմից սույն կանոնների անվերապահ ընդունում:

5.2. Սույն կանոնները, դրանցում հետագա փոփոխությունները (առկայության դեպքում) և խաղարկության վերաբերյալ ամբողջական տեղեկատվությունը հրապարակվում են www.mts.am պաշտոնական կայքում:

5.3. Հաշվի առնելով այն հանգամանքը, որ թափանցիկության ապահովման նպատակով խաղարկության մասնակցության ընթացքում՝ մինչև մրցանակը ստանալու պահը, մասնակիցներին անհատականացնող տվյալներ (անուն, ազգանուն, անձնագրային տվյալներ և այլն) չեն ֆիքսում Կազմակերպչի համակարգերում և շահող մասնակցի ընտրությունն իրականացվում է միայն պատահականության սկզբունքով սմարթֆոնի IMEI կոդն ընտրելով՝ Կազմակերպիչը որևէ պատասխանատվություն չի կրում շահող սմարթֆոնը փաստացի ձեռք բերած և սույն կանոնների 4.4. կետում նշված կարգով Կազմակերպչի գլխամասային գրասենյակ ներկայացած անձանց միջև հնարավոր վեճերի համար: Բոլոր դեպքերում խաղարկության հաղթող է ճանաչվելու սույն կանոնների 4.4. կետում նշված կարգով Կազմակերպչի գլխամասային գրասենյակ ներկայացած անձը: